



寒松堂全集目錄卷之七

詩

自壬子至庚申

壬子閏七月七日

乾清門引見恭

入都次孫徵君鍾元先生見懷韻奉

紀
答一首

入都訪孫退谷王敬哉兩先生

聞賈膠侯撫秦時有削平棧道之功贈之

送申隨叔太史假歸兼訊鳧盟觀仲

壬子九月法黃石周伯衡成我存馮訥生集可

亭聯句兒學誠侍坐

次日再和前韻

題王敷五編修兩世節壽冊

孫退谷先生枉過可亭時年八十經年不一出
僮僕聞先生肩輿至皆驚喜余率子婿相迎
坐談移時乃去

許生洲庶常招飲雙松下因賦二章

壬子除夕

癸丑正月二十日扈從南苑觀八旗品官大蒐

賜宴恭紀

送曲沃相公衛先生予告歸里

送杜振門總憲予告歸里

送李召林侍御左遷信宜令四首

癸丑六月九日 上幸瀛臺 特召諸王大臣

內閣部院九卿翰林科道各官泛舟觀蓮

賜宴恭紀

送王蓼航同年分憲贛州

吳耕方監丞因三世官國雍追憶先澤賦詩有

感余讀而贈之二首

送張素存太史歸省兼訊其尊人公選吏部

送許典三之海寧令

書沈繹堂侍讀五十初度卷

送李厚菴編修假歸

送徐健菴編修歸里用騎字韻

輓龔芝麓大宗伯仍用巳亥贈余歸養元韻

送張淡明侍御外轉分憲太原

壽徵君孫鍾元先生九十

題畫

玉泉山為 帝京形勝賈膠侯佐司空時方罷

燒灰賦詩美之二首

李恒嶽妻兄自蔚來訪喜而贈之

陳六息先生刺蔚有惠政壬寅祠名宦矣及得

乃弟長卿書因知先生於壬寅辭世追憶有

感即贈公子伯際

戊戌與紀伯紫別各有詩垂二十年矣都門重

晤以魏文靖公文集見貽意有在也感愧志

謝仍用舊韻

題法黃石同年壁間畫

輓白尚書東谷先生用丁酉秋日問病和答韻

夏旱奉

旨祈雨即日步禱雨降志喜

四月十九日

口占送寧元著侍御罷職歸里

送林穆之訪弟臯思兼懷二史

送張羽王侍御請告歸里

題梁玉立尚書扇頭畫菊

寄祝魏貞菴先生六十初度用元韵

重陽後三日宋右之侍郎招同梁玉立尚書飲

黑龍潭亭上

為復聖裔顏先生暨夫人壽

題同年上官三立畫即送歸里

壽錫伯長兄即用來韵

題李湘北學士畫冊

輓富川令劉君死節次葉訥庵司業韵

君諱欽隣字江屏江

南儀真縣人
辛丑進士

輓張幹臣學士二首

五月廿九日沈繹堂祭酒王子言崔玉堦陳說

巖三學士葉訥庵侍講同集可亭讀繹堂進

呈御屏銘訥庵贈成給事詩四十韵因用

說巖見貽舊韵紀之

為徐太夫人六十壽兼贈健庵果亭兩編修立

齋學士

為陳封翁壽兼贈說巖學士

夢雨二首

輓蘭溪丞攝篆武義盡節

名喆山西廣昌人貢監

挽大司農米公

諱斯翰

挽神木僉憲楊茶庵盡節

名三知直隸良鄉人丙戌進士

張德軒少廷尉索題百壽公新園

裕親王新園成令諸卿貳分箋賦詩四首

送朱生歸江西因祝其母

都門送解法周同年歸里

聞嘉定令陸稼書有賢聲心竊敬之與陸武園

侍御

寄懷黃州太守于北溟與陳省齋戶曹

為洪洞范進士母邵太君七十壽二首

題江氏雙節冊子

送成我存掌科告病 特旨優遣歸里

衛枚吉樞部請假歸曲沃侍母

哭贛榆令王元夫

名之旦曲沃縣人辛丑進士

讀呂忠節公年譜遺集感其家世追而弔之

二首

東同年艾長人司寇

送王子厚掌科請假

輓歌送孫北海先生殯用巳亥見贈舊韻

輓陝西提督陳忠愍公

諱福

寄孫沂水太守

寄懷袁丹叔太守聞其敦請党冰壑先生講學

為吳銅川銓部兩尊人壽

為趙天羽戶曹尊人壽

為田子綸戶曹母節書冊

為許浣月儀曹母壽

陳太翁出家穀賑饑鄉里德之賦呈說巖先生

贈趙潔庵待御

題葵翁長者小像

題巢雲老僧壁上

程進士受業於兄弟後乞言祝之遂嘉其友愛

送孫岷瞻學士歸省

送柯素培通叅歸養

平涼歸降報至是日立秋

丙辰六月司寇艾長人同年以退食槐聲十二

詩見示未及步韻公逝矣展讀絕筆情見乎

詞仍以退食槐聲為起句次韻追和並志哀

輓時七月中旬也

新秋慰法黃石同年

時待補方伯

送徐方虎編修假歸

丙辰八月十五日秋分是日陪祀夕月壇

輓張東峰銓部卒於官妻封氏從之

輓周伯衡舊掌垣以保舉卒于楚二首

與施道人

題江生借書圖

送史彤右庶常假歸

贈嚴灝亭侍郎

輓浮梁令王介初殉難

名臨元山東人進士

題汪蛟門百尺梧桐閣圖

聞鄴都令李澹庵間道歸京師志喜

壽衛年伯母八十兼贈澹足同年

繆歌起侍講齋中聞史子修編修訃至悼之

哭雲門老友

丙辰除夕同田子潛檢討李天葩中翰暨誠兒

守歲一枝軒感賦二首

丁巳元日侍班候 駕雪中口占

贈張又南少廷尉

寄訊陳長卿

贈雲中老翁

壽李恒嶽妻兄七十

寄祝滄州戴先生八十

送張豫章孝廉歸華亭次元韻

輓同年王東臯侍御

次杜太翁過劉摯故里韻即贈肇餘少宗伯

哭申鳧盟處士

送同年冀公冶大司空歸里

送趙韞退分憲河北

送衛爾錫檢討謫霸州判二首

題性谷道士壁上

次寶坻相國韻贈顧秀才

訪杜子靜侍讀

題羅太翁鄉賢錄後與振彛侍御二首

寄懷施愚山少叅

哭閩督范覲公盡節因讀畫壁遺稿二首

送田子綸水部歸省

吳耕方中允齋頭看菊

王毓青至都留寓小齋

山陰文端公家孫

一枝軒圍爐話舊同田子湄王毓青集字成詩

賜食熊白口占恭紀

十二月廿一日

送李獻陽之任甘州守戎

長至前夕天壇齋宿懷于龍河侍郎

丁巳除夕贈劉瑞生為余寫像

戊午元日侍班候朝賀

送姜定庵之任奉天少尹

送張一衡歸候官二首

寄訊李厚庵太史二首

送潘藏山隱者

題孟貢士僊人圖壽張飛熊將軍

法公子樛秋捷為黃石同年志喜

成我存寄詩見懷用韵答之

廉吏行慰法黃石同年喪子

送唐濟武太史歸淄川兼懷高念東侍郎

賜飲六安茶口占恭紀

七月五日

哭嚴灝亭侍郎

哭蘓亮工少詹

哭姚若侯大司寇二首

題鉅鹿刁公鄉賢錄後

輓王敬哉大宗伯

壽同年益都相國七十

上賜紫貂披領朝服一襲恭紀

康熙十七年十一月三十日

上賜御書唐詩一卷清慎勤格物大字各一幅恭

紀有序

送黃俞邵奔喪南歸

時以博學薦舉未與試

哭同年劉公愚大司寇

送儲廣期明府

御試畢回清源任

次韵送田髯淵歸華亭

陳介眉編修以其尊人年七十請假送歸

送李天生檢討

特予養母歸富平

送于龍河歸文登

送任海眉同年歸聊城

讀陳賢母傳與介眉編修二首

李省甫志平海寇代厚菴上疏畢復條陳閩事

上賜魚恭紀四首

康熙十八年五月初七日

讀健松齋記與方渭仁編修

再晤申觀仲

輓王思繩銓部

輓易子然及門用題獲鹿書院舊韵二首

輓王允大及門

贈李映碧先生

除夕禁爆竹聲問巷靜甚呼兒集字成詩

巳未

元日燈下讀梁蒼巖尚書蕉林詩集二首 庚申

上賜日講四書尚書解義各一部恭紀

上元月食

平蜀捷至志喜 庚申正月

讀吳成甫先生傳感賦 沁州人銅川大父也

贈葉訥菴學士

贈李鶴生令黔陽

喜許時庵孝廉就館

輓成我存及門仍用送別前韻

七月四日蒙 上賜藕恭紀

七月二十八日再蒙 上賜藕並蓮蓬菱角恭

紀

八月十九日三蒙 上賜藕恭紀

八月二十七日四蒙 上賜藕恭紀二首

恭送 仁孝皇后 孝昭皇后梓宮歸山陵

辛酉二月二十五日隨 駕詣昌瑞山謁

孝陵恭紀因述愚悃志哀

二十七日隨 上祭 孝陵恭紀

三月初七日隨 上辭 孝陵恭紀志哀

康熙辛酉季春 上駐蹕馬蘭峪 召扈從諸

臣 賜觀湯泉應 制賦詩四首

營中病

病

帳外看山

哭曹子步妹丈四首 辛酉五月

康熙二十年七月二十一日 上御瀛臺 召

滿漢內閣九卿及翰林科道部曹五品以上

官員 特賜筵宴兼 頒彩幣有差恭紀二

首

壽魏相國貞庵同年

贈歸孝儀修撰

贈劉子端中翰

贈杜肇餘少司寇

哭畢方伯亮四同年

輓王少叅近微同年 辛酉十一月

送馮再來少司寇迎母櫬歸台州

平滇捷至志喜 辛酉十一月十四日

送錫伯長兄歸里 壬戌二月

贈李葆甫

送汪舟次翰林冊封琉球二首

書高澹人侍講冊後二首

贈虞虞山通叅

寄送許子位辭官歸里

送張敦復學士請假葬親

懷汪鈍庵編修

康熙二十一年奉

命巡察直隸等處地方恭

謁世祖山陵

巡行過北平登孤竹堂望夷齊廟有感

巡行至山海關擬登澄海樓觀海未果

巡行出居庸關望蔚有感

巡行駐宣鎮書院讀梁眉居秦聖俞兩夫子遺

詩今俱作古人矣愴然感賦

巡行駐保定拜謁楊椒山先生祠

過慶都拜謁堯廟

過新樂縣次壁間韻

捉虱行

過真定觀大佛

過趙州伯林寺觀吳道子畫水

巡行過順德父老遮道陳疾苦口占以示之二

首

擬過邯鄲訪盧生未果戲筆四首

巡行至大名事竣將回保定

康熙癸亥仲春巡行回保郡復馳慶都 行在

恭迎 聖駕是日仰承 溫諭兼 賜兔隻

紀 恩一律

與王蓋臣談風鑑

與李丹麓西曹

寄懷張豈文年家

送張耳黃孝廉歸省

八月朔日容園觀剥棗

聞郝雪海中丞遺疏至傷之

康熙二十二年九月初四日蒙 上召至乾清

門 垂問病狀並所服藥餌奏畢隨 賜人

參膏一瓶人參二斤臣象樞自愧哀庸何當

曠典感而欲泣恭賦紀 恩

二月朔日病中示誠兒時在蔚塋亡媳七首

送崔玉堦宮詹歸里

壽孔母陶太夫人

書謝氏表烈集後

輓于北溟總制二首

輓直撫格公

輓宋開之少保

琉璃殿見白鸚鵡有感

別祖以牧親丈

八月十七日啟事 乾清門重蒙 天語垂問

病狀紀 恩

送馮楚瞻醫者歸里壽母

送湯荆峴學士巡撫下江

九月二十二日 陛辭蒙 諭入朝三次是日

賜大內湯飯

二十四日再入 陛辭蒙 賜茶

二十六日三入 陛辭蒙 賜御筆特書寒松

堂扁額 聖製古北口詩復 召入內殿垂

問病狀 賜坐 賜茶

十月二日出都承諸公郊餞

十日過東庄晤妻兄李恒嶽先生

十二日抵蔚 是日微雪忽晴

十七日恭懸 御筆

二十日焚黃祭告先祠

寒松堂全集

卷之七

蔚州魏象樞環溪著

詩 自壬子至庚申

壬子閏七月七日 乾清門引見恭紀

應召重來謁 帝闈晨趨 彷彿舊臨軒 同瞻 北闕

知天近乍識 宸顏荷語溫 雨散禁城衣尚濕 前夜大雨

風迴左掖日初曛 清時豈合容樗朽 虛負徵書一代

恩

入都次孫徵君鍾元先生見懷韻奉答

夏峰遙望幾春秋 三尺苔痕帶雪留 但得峰前分片

席何須更羨五湖游

二

翩翩鳳翮脫樊籠啓後承先賴此翁自顧頭顱渾似
雪上林猶自問丹楓

入都訪孫退谷王敬哉兩先生

上國推人望高風四海知重來瞻泰斗並卧想龍彪
重道尊儒日徵文考獻時願將真學術還慰 聖人
思

聞賈膠侯撫秦時有削平棧道之功贈之

西南蜀道古蠶叢萬折巉巖一炬空謾向雍梁歌勝

蹟千秋國史紀神功

送申隨叔太史假歸兼訊鳧盟觀仲

一卧蘿山鬢已華喜從京國問煙霞廿年兄弟真吾
友一代文章更幾家大業忍辭青玉案宦情多在碧
雲涯故園叢菊應無恙共看長天雁影斜

壬子九月法黃石周伯衡成我存馮訥生集可

亭聯句兒學誠侍坐

別或十年二十年

法黃石

重來猶是可亭邊

周伯衡

人從

異地憐同調

魏環谿

學自前言啓後賢

成我存

秋色黃花

香晚節

馮訥生

墻陰綠竹映初筵

兒學誠

疑占星聚金臺

北白簡霜寒九月天

法黃石

次日再和前韻

握手相逢總暮年
懷人不復兩江邊
鬚眉合帶秋霜
老劍履難追命世賢
往事搖搖風在木

黃石伯衡訥生及余服甫闕

新

詩宛宛月當筵
浮雲聚散真無定
惟有丹心向碧天

題王敷五編脩兩世節壽冊

稔知鄉國有名門
世節能兼世德存
一派淵源推鼻祖
百年甲第兆秋元
燈前畫荻霜痕見
月底翻書篆迹昏
好着萊衣雙進酒
聖朝應念兩高萱

孫退谷先生枉過可亭時年八十經年不一出

僮僕聞先生肩輿至皆驚喜余率子婿相迎

坐談移時乃去

八十先生久閉門
手翻經史自朝昏
書來但問蒼生苦
老至全融道學痕
殘臘枉車驚市巷
荒齋煮米具盤飧
荀陳自昔留嘉話
今日占星聚此軒

許生洲庶常招飲雙松下因賦二章

古柏森森却類松
相傳此地有雙龍
蟠根合向幽人宅
對雪疑看大茂峰
午夜寒濤流紫陌
四時元氣入黃鐘
長安多少繁華夢
肯撫蒼鱗過一冬

墻東有客賦高松昨夜詩成度晚鐘座上揮毫人似
玉庭前踏月影如龍呼來獨鶴稱三友抱得雙虬占
一峰欲向西臺移汝去不妨長夏作嚴冬

壬子除夕

長安風物異家園此夕愁多合閉門天祿未叨終竊
祿君恩難報愧知恩年華一任星霜改血性空餘
涕淚存顧我迂疎還自責太平時節慎多言

癸丑正月二十日扈從南苑觀八旗品官大蒐

賜宴恭紀

萬國車書一戰中太平諸將尚彎弓從知聖主崇

文德還念

高皇重武功甲冑煌煌雲共白旌旗閃

閃日分紅

廟堂元有經邦畧慚愧儒生賦大風

送曲沃相公衛先生予告歸里

黃扉啓事諫官隨正是蒲輪去國時寵眷為酬天下
望清操不負兩朝知恩分郡縣山中米勅下公
卿馬上詩並召同來惟某在龍門一路繫人思

送杜振門總憲予告歸里

螭頭曳履幾星霜一賦歸來鬢未蒼風度兩朝持
國是冰操五夜告君王老臣去就人難識知己追
隨夢獨長却愧掖垣聽鑰後又騎驄馬逐班行

送李召林侍御左遷信宜令

一入烏臺已讓君夜來把酒喜論文風霜凜凜窻前發諫草應從此處焚

此初晤時作也今錄而送之結句非泛然贈答云

二

野鳥高枝報曉衙山城雞犬幾人家省耕不用騎驄馬且效河陽看種花

三

儋耳先生海外詩使君車過讀遺碑浮雲萬里心孤月正是當年動忍時

子瞻居儋有浮雲時事改孤月寸心明之句

四

折柳河橋慰語頻長沙曾藉少年人君恩浩蕩應難測珍重熙朝諫議身

癸丑六月九日

上幸瀛臺

特召諸王大臣

內閣部院九卿翰林科道各官泛舟觀蓮
賜宴恭紀

湛露深滋太液池宸鑿一出倍清漪樓船影瀉香荷動鷓鴣情歸碧岸遲玉釀幾回斟琥珀天庖分席列樽彝臣心敢負明良會獨愧嘉謨答聖思

送王蓼航同年分憲贛州

北闕晴雲遶鳳城先皇開館集羣英四十九人相

接席槐音日日雜書聲是時畿輔稱絕調更兼齊魯
才華妙嵩陽特鍾三兩家風流儒雅推逸少秦風唐
風未足多忻隨公等度鑿坡一朝步入梧桐掖封事
中宵想玉珂嗽崎磊落誰能比論公姓字芬牙齒斗
酒能吟詩百篇逢世却無一片紙仕局紛紛那復言
詞臣外擢忽新恩單丁豈合違母側烏鳥終當報
至尊余送君歸官亦謫母氏念兒雙鬢白陳情得
荷聖人知與君俱遠長安迹慈闈先後去高堂兩
家千里淚痕長鮮民空有微軀在幾時奔走答君
王壬子余方應召出大梁有司亦敦促膠州前來

公後來癸丑重逢三丙戌兄弟相看總二毛不歌不
哭笑聲高兒婚女嫁從容說有時長嘯一揮毫揮毫
興酣風雨落九州老氣無今昨彷彿淇澳竹萬竿颯
颯秋空一掃籜座上飛傳除目來麻姑五老借公才
天子有命畱不得長江簫鼓畫船開行矣行矣懷
難寫此人真去虔州也既不置之石渠天祿間何不
畱對夏峰先生者行矣行矣懷難寫

吳耕方監丞因三世官國雍追憶先澤賦詩有
感余讀而贈之

先輩芳型拜且歌毘陵家世近如何只今聖主興

文教碑版應存舊澤多

二

一代貽謀一代師高風亮節總堪垂正當繩武淵源

日好記

先皇首拔時

戊戌 章皇帝御試丁酉南闈拔
吳第一是年 特賜進士出身

送張素存太史歸省兼訊其尊人公選吏部

文章德業舊通家幾世名題 御墨斜彩筆故承蓮

燭近白雲却望鐵城賒多君有屋藏金鑑愧我無詩

附雪槎到日高堂如問訊為言頭白客京華

送許典三之海寧令

鄴下有許子家學篤懿行萬物一體願良由性所生

俎豆表先德孝子動鄉評以此真淵源紹述推令名

一出宰百里志不欺愚氓行將溥 聖澤庶克振家

聲扁舟渡江去竹馬歡相迎歌曰我公來笑比黃河

清君子有惠心虞芮永無爭三年報新政飛鳧觀厥

成夏峰屬素誼鄙南訂生平 熙朝重經術覲面卜

公卿

書沈繹堂侍讀五十初度卷

臚傳曾記拜丹墀學士才華 聖主知弘德殿中揮

翰日乾清門外賜貂時元因講幄需名碩不為詞壇

表令儀滿地黃花人半百愧無佳句佐金卮

送李厚庵編修假歸

太史起閩海妙姿稱殊尤行年未三十志追濂洛儔
曾讀太極說歷歷見源頭退而返厥躬千載適相伴
况復藉師資所學獲所求吾道久榛棘頽靡良深憂
晨夕一靜對衰颯獨貽羞竚望登先岸歸來佐 聖
脩

送徐健庵編脩歸里用騎字韻

秋風霜鬢老將垂送別同人意每遲鳳噦中朝三瑞
羽馬鳴歸路一輕騎多因菽水辭兄弟定有文章紀
歲時日抵家園陽氣復江城草色綠離離

輓龔芝麓大宗伯仍用已亥贈余歸養元韻

菊蘂霜風晚節垂老臣應荷賜歸遲朝中尚曳螭頭
履天上俄驚箕尾騎道誼深深孤我輩勛名滾滾惜
良時十年未續青藤句痛讀遺編手不離

送張淡明侍御外轉分憲太原

自是西臺老諫臣幾年同列倍相親胸中涇渭千人
見筆底風霜一味真敷政憐才勞 聖主推賢讓德
動朝紳只今暫借澄清畧早晚徵書下紫宸

壽徵君孫鍾元先生九十

金容家世舊儒宗四海淵源一派中膝下曾孫承德

訓門前弟子坐春風純修妙合程明道睿學全追衛
武公聞說當身渾太極年年遙拜歲寒翁

題畫

妙絕人傳顧虎頭厨中變化已千秋於今莫向桓家
索神物居然此地留

玉泉山爲 帝京形勝賈膠侯佐司空時力罷

燒灰賦詩美之

玉泉山下玉泉流萬斛盤旋入御溝乾柱那容施斧
鑿龍蟠虎踞 帝王州

二

初心不是建勛名西北高峰一力爭煉石補天猶幻
事好留屏障護 神京

李恒嶽妻兄自蔚來訪喜而贈之

握手東莊一載餘勞君遠過旅人居晚年難得同心
侶夜話如看太古書顧我廉名承義重於今言路報
恩疎祇應蚤晚歸休去莫累高賢更拮据

陳六息先生刺蔚有惠政壬寅祠名宦矣及得
乃弟長卿書因知先生於壬寅辭世追憶有
感即贈公子伯際

楚水燕山兩地懸頻因舊好憶當年甘棠幾樹分餘

蔭手澤盈箱啓秘編白髮驚看難弟在青雲喜見後
人傳千秋俎豆尊夫子門下樗材愧大賢

戊戌與紀伯紫別各有詩垂二十年矣都門重
晤以魏文靖公文集見貽意有在也感愧志

謝仍用舊韻

垂老依然學道心回看景物倍蕭森人經離索肝如
雪話到修爲語似金先輩典型誰敢望吾生迂濶愧
尤深開函却向燈前讀一夜空窻奏古琴

題法黃石同年壁間畫

憶昔瀛洲萃大文膠州太史迥不羣有時作賦齊班

馬亦或揮毫比右軍此來非復天祿石渠之舊席獨
有西山北海供吾筆底之煙雲高陽李子年最少潑
墨臨池屬同調爲公寫出萬壑心一坐一卧視而笑
魏生也向壁間遊徒將老眼窺二妙

挽白尚書東谷先生用丁酉秋日問病和答韻
訃書一到痛無聲却爲先生惜後生一代元音真寡
和千秋絕學更誰明憇遺不獨關桑梓凋謝居然及
老成朝野自畱芳蹟在步趨深愧贈言情

夏旱奉

旨祈雨即日步禱雨降志喜

四月十九日

郊圻赤地望甘霖民瘼時關 聖主心夙夜自慚荒

尹職虔誠實恐負 綸音行看靉靄蒸雲起立對氤
氲布澤深濕透衣袍泥尺許歸來擬獻太平箴

口占送甯元著侍御罷職歸里

盛世言何諱臣隣拜復歌一封惟自信百折總無他
諫職終難盡 君恩感更多歸家先慰母午夜憶鳴

珂

送林穆之訪弟臯思兼懷二史

君家好兄弟談笑盡文章拓落思千里窮愁賦七襄
酒消燕市月人飽雁門霜計日兵戈息他鄉亦故鄉

送張羽王侍御請告歸里

誰能仕宦却閒閒長日春風自掩關歲月有情留客

住烟霞無恙待人還清時柱下虛言責好友林中其

笑顏

時念蓼文伯爾嘏雪樞
玉鉉金鑑諸公俱居里

歸去不須尋舊夢羲皇以上是

青山

題梁玉立尚書扇頭畫菊

種得蕉林意已悠何人更寫晚香浮請看蛺蝶臨風
舞別是陶家一段秋

寄祝魏貞庵先生六十初度用元韻

十年難得一樽同綠野堂高罨畫中相業久從黃閣
著儒脩只見紫陽崇躬耕百畝惟家食口授諸生即

聖功憂國有心頭更白駐顏還在菊花叢

重陽後三日宋右之侍郎招同梁玉立尚書飲

黑龍潭亭上

秋來無地足幽探野逕追隨興欲酣北望晴雲籠

鳳闕東臨碧水護龍潭低回往事成今古領畧新醅

慰笑談况是黃花開更晚且從高處看層嵐時菊尚未開

為復聖裔顏先生暨夫人壽

鹿門偕隱幾經年酒泛黃花共一筵勝國遺書存孝

子興朝女史勒鴻編簞瓢家法依然舊博約工夫

正可傳金馬容臺雙戲綵翩翩舞向岱雲邊

題同年上官三立畫即送歸里

薊北風霜十月寒驚聞有客去長安臨岐執手無他

說屬予為題九畹蘭予曰唯唯心已許披圖視之香

欲吐此花自是君子儔從來不與蕭艾伍中丞第宅

築高軒兄弟依依笑語溫風晨月夕時展玩應念同

人筆墨痕

壽錫伯長兄即用來韻

每逢初度歲將新臘雪寒梅物外身學稼久知兄有

志司農獨愧弟為臣燈前課子消清夜園裏栽花樂

舊貧兩地無由躬致祝年年詩報上林春

題李湘北學士畫冊

竹杖芒鞋落落遊夜深纔下讀書樓牙籤萬軸應無
忝獨許前身是鄴侯

挽富川令劉君死節次葉詵庵司業韻

君諱欽隣字江屏江

南儀真縣人辛丑進士

千秋完節日星明舌斷猶聞罵賊聲漢水秋高勞將
士富川血碧動公卿魂依北斗升還降廟食南蠻死
即生 聖主方憐臣義重定教青史大書名

挽張幹臣學士二首

為奉徵書滯旅亭燕山昨夜掩文星 朝廷正惜真

廉耻吾道先摧古典型病榻披衣猶望

闕 元日肅朝服拜闕

病乃劇孤兒執手尚傳經

彌留時惟口誦仁人心也義人路也二語皇天忍奪清

剛氣欲起斯人問渺冥

二

自是冰心玉骨人豈從今日蓋棺真十年道誼神相
往數則箴銘筆尚新為痛死生關世教倍憐出處動
朝紳講堂依舊廬山脚多少生徒入夢頻

五月廿九日沈繹堂祭酒王子言崔玉堦陳說

巖三學士葉詵庵侍講同集可亭讀繹堂進

呈 御屏銘詠庵贈成給事詩四十韻因用

說巖見貽舊韻紀之

神臯五月草初青

時大早

客有車音過可亭經國大文

傳百禩立朝清望重當廷懷中謾賦憂時句

座右

高懸作聖銘聞道

九重勤講幄太平金鑑在談經

為徐太夫人六十壽兼贈健庵果亭兩編修立

齋學士

西鹿城邊紫氣迴堦前玉樹映三槐問安齊照金蓮

燭進酒同分

內殿醅績襞霜闈千縷就經傳午夜

一燈開諸孫况復承家訓多少恩光次第來

為陳封翁壽兼贈說巖學士

王屋青連濩澤春遙看秋色更嶙峋鹿門松菊開三
徑楚畹芝蘭種幾巡華國文章傳玉樹過庭人物立
楓宸相期大業千秋上不獨榮名報所親

夢雨

封姨跋扈赤雲生日望天河洗甲兵蚤起披衣看雨
脚始知昨夜未分明

二

望杏瞻蒲愧老農陰晴不定夢難通三更已卜豐年
兆覺後依然想像中

挽蘭溪丞徐君攝篆武義盡節

名喆山西廣昌縣人貢監

寇盜縱橫甚 朝廷法度寬
幾人明大義 一死到微
官血性千秋熱 詩書此日完
梁間三尺帛 留與士民
看

挽大司農米公 諱斯翰

計部尚書古大臣 不才五月忝同寅
持籌共念輸將苦 切齒難忘寇賊頻
社稷憂勞惟此日 朝廷倚
賴少斯人 百年生死真無定
話到清剛淚滿巾

挽神木僉憲楊茶庵盡節 名三知直隸良鄉人丙戌進士

幸吐吾儒氣 同人莫歎嗟
一身酬魏闕 萬姓哭公衙
罵賊空留舌 招魂不到家
朱溫何日滅 遺恨逐黃沙

張德軒少廷尉索題百壽公新園

聞說王公第 君恩到翠微
樓臺千樹直 池沼一鴻
飛徑轉雲隨 騎筵開花照
衣庭前風日好 彩筆賦春
暉

裕親王新園成令諸卿貳分箋賦詩四首

別業初開邸第邊 恩光春色擁神僊
輔成 聖德文章貴 疎散西園禮樂偏
嘉樹雲衣停夜雨 清池石髮
帶春烟 德容自許昇平會 喜近
君王大被眠

又

天家樂事復何如 日近新恩帝子居
早為 朝廷除

大寇頻因顧問購奇書人來玉樹連星動花散銀床
帶雪疎共道賢王知儉德退朝不上紫香車

又

鑿池半畝近山阿引出漣漪自御河石動花陰迎淑
氣魚寒春水戲銀波飛觴釣曲谿雲落洗硯沙痕墨
雨多錦幔移來封十里行行幾處起笙歌

又

碧洞丹梯二月開西園賓客報春來看山車馬披雲
出聽曲絃歌待漏回怪石移將隣鄴水杏花飛去滿
燕臺朱門自有枚生在七發能無作賦才

送朱生歸江西因祝其母

海內說豫章理學稱淵藪近得張廬陵清剛真吾友
志不讓臯夔言動無一苟先後起田間頗惜交未久
旅舍見朱生名渠籍江右廬陵取此人從游諒非偶
欲歸叩我門再拜乃啓口願乞一二言携去報吾母
備述慈孝行艱苦事并白問年登古稀米從千里負
余曰其賢哉是母是子有學道即顯親寧必言爲壽
堂上聞詩篇可信魏生否

都門送解法周同年歸里

太平景色憶吾鄉聞得君來喜欲狂今昔愁懷都是

夢弟兄老髮總如霜膝前玉樹連枝發門下淵源一
派長惟願東山高卧穩蕭然四壁有餘光

聞嘉定令陸稼書有賢聲心竊敬之與陸武園

侍御

熙朝重守令宵旰憂斯民吏道雖云雜天下豈無人
近聞陸嘉定平生志清貧下車甫一載惠政獨循循
歡聲動萬戶異績傾朝紳江南財賦地知爾勞心神
軍興正旁午輸將彌艱辛前令留餘蠹於今見陽春
盟手寫荒言始終願自珍君子貴彛好寧取面相親
又聞宗閩洛義利別織塵趨向不敢定踐履惟天真

南北此心理黽勉若比隣異時覘所學霖雨佐 楓
宸

寄懷黃州太守于北溟與陳省齋戶曹

那能覲面識于公十載懷君夢已通骨帶清霜撐陋
俗化行春雨起頽風朝紳推服千秋上兆姓歸依一
念中聞道黃州羣寇息誰將直筆勒奇功

為洪洞范進士母郇太君七十壽

久向婁山號女宗安貧樂道舊家風晨昏授與兒孫
訣文字都歸性學中

又

陳情表上意何如報母惟將數卷書不是 聖朝真
錫類肯教國士奉潘輿

題江氏雙節冊子

士女呼雞鳴內則式克篤一朝失所天自矢不食粟
匪石何可移未亾聊復足堅貞蓄善氣松筠節相續
一門凜冰霜清光照幽谷荻灰小篆分繞膝人如玉
君子貴懿行百年繫風俗

送成我存掌科告病 特旨優遣歸里

冰心十載對 楓宸 勅旨優隆到小臣點綴朝班
人漸少支離病骨爾爲真歸舟載月辭垣掖客舍留

書佐俸薪

贈余古
書數卷

顧我年來頭半白倍因 宵旰鼓精

神

衛枚吉樞部請假歸曲沃侍母

請急欣逢設悅辰少君今作太夫人當年司馬門庭
肅此日樞曹孝友真月度孀闈千里夢風搖玉樹一
家春景明山色華筵外照得萊衣綵更新

哭顛榆令王元夫

名之旦曲沃縣人辛丑
進士在任二年卒于官

平生砥礪幾多年向我還求一着鞭濂洛淵源歸正
派龔黃治績邁諸賢天留此吏方無憾道惜斯人竟
不傳有淚更從何處哭笥中檢取大儒編

元夫令顛榆初
梓白鹿洞規呂

氏藍田鄉約諸書乙卯重刻曹月川先生夜行燭韻俗一變

讀呂忠節公年譜遺集感其家世追而弔之

勝國名家踐履真文章節義貫秋旻十三經內尊惟
孝千百年來道在人洛水無兵誅亂賊新安有墓塋
忠臣遺書讀罷衣冠肅欲拜先生續獲麟

先生纂孝經大全進呈行于世

又

絕學千秋道德真吾儒正氣達高旻追思奧蘊歸前
輩嗣續淵源屬後人三世流傳多大節一門慘烈幾
孤臣當年國事需才急徒向中原哭鳳麟

東同年艾長人司寇

刑措於今三十年還依北斗看長天尚書履曳金門

上司寇風高武庫邊自傍白雲千樹影幾經赤棘半

秋烟曾聞舊有持籌畧今日猶堪定蜀滇

公先條議屯田

送王子厚掌科請假

家學淵源道德尊十年來去重西垣拾遺補闕中朝
望莫謝蒼生獨閉門

輓歌送孫北海先生殯用已亥見贈舊韻

已亥秋余請告

終養先生同趙洞門龔芝麓袁九敘三先生餞余于東齋青藤下分韻賦詩今俱作古人追次有感

俯仰青藤再哭翁晚年學術幾人同可憐好友邛皆
北不見先生榻在東霜雪自驚雙鬢上夢魂常聚一

堂中追陪大典齋明近執紼安能附上公

挽陝西提督陳忠愍公

諱福

報國心丹義更加軍中李晟敢言家萬營
羆虎銷秋氣百戰風雲捲暮沙刁斗乍鳴星忽隕鬼神同恨雪
為花邊疆定有忠魂助莫為將軍起嘆嗟

是日異風大雪公遂被害

寄孫沂水太守

十載聲名貫耳頻清操已信絕纖塵雲中魏尚真無
愧海內吳公更幾人頓起瘡痍成樂土懸知沙漠見
王春心隨父老稱觥切願祝年華與政新

寄懷袁丹叔太守聞其敦請党冰壑先生講學

廿載追隨屬爾賢吾儒風味尚依然時當捨攘惟宜
靜政以廉平自可傳佇看河汾施教澤願聞蒲坂種
桑田冰心一片君知我兩地焚香夜告天

為吳銅川銓部兩尊人壽

瑩瑩冰鑑徹天曹為溯家聲羨鳳毛柳拂琴泉春酒
熟雪明聖鼓婺星高懸魚蚤佩先生訓舞綵難酬阿
母勞比歲庭闈多勝事丹書雙捧出神臯

為趙天羽戶曹尊人壽

海陽雲氣護幽居杖履翛然燧火餘綺里風流高斗
極香山耆舊拂霞裾鳴琴再引庭前鶴平準新傳膝

下書三鳳八龍真繼美黃金白璧欲何如

為田子綸戶曹母節書冊

德水淵源接泗洙鍾來閨閣匹名儒田家母是真師
表海內人稱女丈夫午夜篝燈酬地下間關帶月撫
諸孤行年六十身方健三鳳翩翩又引雛

為許浣月儀曹母壽

勞勞國計屬伊人廿載離家憶老親 帝命權關兼

覲省天開餘閨應生辰

許母閨三月生值
今閨三月歸省

斑斕色對霞山

照菽水歡生歛浦春况是冰霜昭大節宣文膝下拜

儒臣

陳太翁出家穀賑饑鄉里德之賦呈說巖先生

古道何能邁高風尚在今痾瘵原素念桑梓况關心
盡飽仁人粟爭傳義士吟貞珉書不朽遍滿大行陰

贈趙潔菴侍御

十年經術重江東藹藹春生撫字中每向西臺讀諫
草秋霜依舊帶春風

題葵翁長者小像

面有風光目有神渾金璞玉是天真一堂六世身無
恙彷彿羲皇以上人

題巢雲老僧壁上

鶴來松頂覓高枝正是生公入定時
夜半鐘聲驚鶴去松花仍帶白雲垂

程進士受業於兄第後乞言祝之遂嘉其友愛
元方領袖季方來兄弟翩翩天下才
華萼集成符彩見池塘夢得錦雲開
鳴珂直入陪金馬振筆秋高待玉裁
從此家聲推並美文光應照紫霞杯

送孫岷瞻學士歸省

暑到延和講未闌如何輕去較書官
豈分章句移花影自識星文入夜寒
倚闕青天雲五色買舟赤石水三灘
百年黃髮高堂穩肯向秋風理釣竿

送柯素培通叅歸養

海內遙看喉舌星那知歸夢到西冷
簾吹楊柳千峰晚舟度芙蓉半夜青
諫草只今留魏闕詩筒何日報江亭
慈顏一笑天倫得問罷平安好授經

平涼歸降報至是日立秋

天威一播漢西京納款軍門即罷兵
千里轉輸民力息萬家團聚將功成
臨邊祇見壺漿盛不戰元因壁壘明
三楚九江應待命秋風會送凱歌聲

丙辰六月司寇艾長人同年以退食槐聲十二
詩見示未及步韻公逝矣展讀絕筆情見乎

詞仍以退食槐聲爲起句次韻追和並志哀
輓時七月中旬也

退食槐聲聽不窮
脩然獨坐問秋風
平生志許青霄上
垂老心驚白露中
漫向亭前招放鶴
還來爨下拾焦桐
西園水石登臨遍
彷彿家園地幾弓

二

退食槐聲度枕遲
風清月白幾人知
雲山極目增秋氣
砧杵千家動客思
北地自開文舉宴
南荒久閉伏波祠
夢中蝴蝶飛無定
莫向莊周辨是誰

三

退食槐聲雨後清
長空幾度聽鸞笙
詩題滿壁疑多識
柯爛深山剩一枰
風度不矜天下士
笑談真見古人情
朝廷立國崇寬大
約法潛消海內兵

四

退食槐聲隔岸聞
北窻相對幾朝曛
綠深時見歸林鳥
塵靜方看出岫雲
欲寄遠懷虛雁影
爲尋好友惜蘭芬
回思玉署同遊日
一派淵源一夜分

五

退食槐聲近戶低
叅差樹色總難齊
魚浮淺水羞吞餌
燕宿高林不啄泥
殘局幾時畱客對
新詩一夜報

君題可憐讀易三更後竟撤當年太乙藜

六

退食槐聲襍晚蟬西風忽散一林煙星移物換人皆
老刑措兵消宦亦僊魂夢久知隨氣變吉凶豈有爲
情遷百年未了元無幾不學長齋醉裏禪

七

退食槐聲入暮涼省南絲竹正鏗鏘居然彌勒龕中
坐無復蛾眉鏡裏粧碑記漫誇題玉殿鼎湖元許侍
先皇陶家松菊歸來晚却恐歸來徑已荒

八

退食槐聲隱落霞夕陽笛裏淚痕加高臺自引西峰
月石磴空懸北岫花難報大官千粒米但消僊掌一
杯茶江湖萬里波濤險會待安瀾好放槎

九

退食槐聲何太頻淳于一夢是根因覺來緯地經天
事看破吟風弄月身老大偏宜珠入掌官貧却笑桂
爲薪胸中多少真丘壑不是黃山寫不真

法黃石同年先
有和韻十二章

十

退食槐聲曳復留琴書檢罷覺心幽三公不計兒孫
福一硯堪垂氏族謀歷亂寒螿無定語縱橫野鷺入

新愁西曹歲月催華髮昨夜秋風欲白頭

十一

退食槐聲枉自多
茫茫理數果何如
晨興尚曳朝天履
奄絕誰揮返日戈
草木無情皆變色
弟兄有淚不成歌
行年五十生如寄
莫道前人是逝波

十二

退食槐聲聽乍稀
寢門猶望綠成圍
銘旌欲寫悲青練
車馬重來哭白扉
最念老臣封事歇
不爭遺像墨痕肥
夔龍好句千秋在
獨愧衰殘尚未歸

公詩有補天終俟夔龍友之句

新秋慰法黃石同年

時待補方伯

誰云蝸角是浮名
三十年中宦未成
歲月淹留薑桂老
才華拓落鬼神輕
曾因侍從垂清問
會待藩臣佐太平
暑去秋來多病客
子虛重賦莫愁生

送徐方虎編脩假歸

江東人物望崔嵬
領袖文壇屬異才
八代衰靡千載振
九州風氣兩人開

謂方虎與元少也

侍臣蓮炬雍雍出
倦客

仙槎欸欸回計到家園秋正好
菊花籬畔讀書臺

丙辰八月十五日秋分是日陪祀夕月壇

今年又看長安月
秋色平分此更均
節序驚心人易老
清光照眼事偏新
枕戈卧甲三軍瘁
轉餉輸租萬

井辛 聖德齋明應默祝良宵盡作太平人

輓張東峰銓部卒於官妻封氏從之

樸拙行藏世所無問心亭上辨真儒

東峰著有問心亭集

千言砥

礪遺書在四壁蕭條旅櫬孤吾道愈深廉吏痛彼蒼

還念寡妻俱相逢莫作牛衣泣地下雙魂信已孚

永訣

時封誓不獨生扶柩歸里縊死

輓周伯衡舊掌垣以保舉卒於楚

南行珍重勸加餐僕馬蕭蕭道路難宰相薦賢非受
賞書生報國擬彈冠幾年貧病軍前死半世行藏鏡
裏看却悔書來終未答墨痕猶帶楚江寒



